


1972 - 2022. 50 djar von Kulturverein Lusern



Il 16 settembre si sono festeggiati i 50 anni dell'associazione Kulturverein Lusern. Un momento in cui è stata presentata la nuova opera del Kulturverein Lusern "Lusérnar vor Lusérn".

50 djar pittn Kulturverein Lusern, 50 djar vo stördja von länt un von läut boden hám gëtt zo tüana vor Lusérn. Dar Vorsitzar Andrea von Kastelé hatt geböllt gedénkhan alle di läut boda hám gearbatet vor in Kulturverein un vor Lusérn.

Dar trëff iz gest a momént z'zoaga in naïge libar von Kulturverein "Lusérnar vor Lusérn" boda redet vo lusérnar un lusérnaren boden hám gëtt zo tüana vor soi länt.

Ma hatt geredet von Germano von Zaiga boda hatt augelekk, pittnändar pinn Don Santo un pitt ändre noün läut, in Kulturverein Lusern boda, an earst, hatt

gehoazt "Associazione culturale per lo sviluppo delle zone depresse del Trentino - Kulturverein Lusern". Ma hatt geredet von Enrico Pruner, von Eduard Reut-Nicolussi, von Fligar Sepp (Giuseppe Nicolussi Castellan) er o earst socio von Kulturverein un von Urbâno von Kastelé boda hatt vil gearbatet vor Lusérn; est khintar no gedénkht von djungen umbrómm dar spòrtplatz trakk soi nám. 'Z izta khent gedénkht allz daz sell boda dar Kulturverein hatt getänt azpe helvan in djungen lusérnar boda hám geböllt gian in SüdTirol zo macha di taütschan obarschualn. Baz bartz soin dar Kulturverein in di djardar boda khemmen? Bar mochan paitn azta di djungen lirnen vo disan läut un vo ploaz ändre boda hám gearbatet vor 'z länt umenicht.

Dar Nachtvogl

Khennen 'z geèzza vodar Hoachebene, da patàttan pult

L'aria rinfresca e l'autunno porta i colori e sapori tipici della stagione sugli Altipiani. Con le patate da poco raccolte si prepara la polenta di patate, piatto tradizionale che da qualche anno è diventato oggetto di una singolare contesa culinaria.

An sântzta atz 24 von herbestmånat in di khesar vo Milegrùam hám sa gemacht da zboate "Contesa della pult" inngestellt vodar

Confraternita della Polenta di patate. In di lestei zboa djar disa manifestazióng iz nèt khent gemacht peng in covid un häür, vor da earst bòtta, di pult iz khent borotat sèmm un nèt nägenump sa gemacht vo dahùam. Nämp dar khesar soinda gest zen heartn zo khocha da patàttan pult. Di konkoréntn hámén nägenump allz daz sèll bosa hám gehatt mengl: di ingrediéntn un 'z holtz vor in heart. Häür o, azpe 'z djar 2019, Luca Eghenter

hatt gevintzart; Paolo Petrik iz gerift zboate un Gabriele Caneppele draite. Di noün läut vodar djuria hám gëtt soin voto schaugante azta di ingrediéntn soin gest lokál, von Trentin odar, no pezzar, vodar Hoachebene, un guat; azza hám gemacht di pult ná dar tradizióng, odar azza hám eppaz gebëkslt. Da patàttan pult vo Lavròu iz gemacht pitt pörro, saltz, fèffar, öl, spèkk, gepratatz boatzamel un patàttn. Di tradizióng vo Lusérn iz an

ändera: da patàttan pult iz lai gemacht pitt patàttn, bazzar, saltz un boatzamel. Ma siadet di geschelatn patàttn in a fann, balsa soin schümma gekhocht halitetma auz a senjo bazzar zo lega pinn patàttn in khezzl; di patàttn khemmen geskitzt pinn smökkar, dena lekma 'z boatzamel un smöktma allz vor almánko a viartl ur. Baldase distakàrn di rintn di pult iz gekhocht.

MR

ARTICOLO NELLA VARIANTE CIMBRA DELLE VALLI DEL LENO

Stoltzz'soin a zimbar un groazar tschell vo lusérnar

Ricordiamo Arthur F. Stoffella, fiero di essere cimbro e grande amico dei lusérnar, che negli ultimi 50 anni ha pubblicato, come giornalista, centinaia di articoli su Lusérn nei vari media di lingua tedesca e che, come fondatore e membro del direttivo del sindacato autonomo della minoranza linguistica tedesca e ladina del Sudtirol ASGB, visitava ogni anno, insieme ad un intero pullman pieno di persone interessate, il paese di Lusérn. E grazie ai Laimpachteldar Zimbarn è stato possibile esaudire il suo ultimo desiderio: il primo funerale cimbro dopo oltre 100 anni in Vallarsa/Prontal. Ecco come lo ricordano i suoi amici di Lusérn.

Arthur iz sparírt, a groazar tschell vo vil lusérnar. Di naïge iz khent in länt un in an amplíkhiz auzgeliatt fra di vil lusérnar ke hám gehatt 'z gelükh, imen zu khennen. I bart hèrtà vil schümmera gedénkh vo imen haltn. A mānn vo kultur, offe vor drauernda: an bar ZIMBAR, stoltz vo soin brützan. (Fiorenzo Nicolussi Castellan)

Er iz gest an guatar tschell vo mi un vo di zimbarn. Biar bartn in gedénkh. Er hatt vil geschribet un getänt, ume zo tüan khennen di Zimbarn un ume imenändarn zo gem vil vèrt. Er iz gest an groazar mānn ke hatt hèrtà geholft z'folk. (Luigi Nicolussi Castellan)

'Z tüatmar vil ánt un kondolenz in nám vo Kulturinstitut un Kamou vo Lusérn. (Gianni Nicolussi Zaiga, pürgarmaistar un vorsitzar vo Kulturinstitut)

An mānn, Arthur, pegaistartar bizzanschaftar, ma o gekhennatar schraibar vo dar földjo Dolomiten ke vil vert iz khent atz Lusérn. An drukk. 'Z tüatmar ánt. (Matteo Nicolussi Castellan, garante vor di mindarhaitn vo da Autonome Provintz Tria)

I hänne gehatt 'z gelükh Arthur zo khennen un zo tréffan vil vert. Pitt soin toat hatt di gántz kamòuschaft vo unsar Redjeng vil vorlört. (Lorenzo Baratter, direktor vo Dokumentationszentrum Lusérn)

'Z tüatmar vil ánt un kondolenz in nám vo zimbarn vo XIII kamündar. (Vito Massalongo vorsitzar vo Curatorium Cimbricum Veronense)

Arthur iz gest bol a patriot, baispil un khempfar vor a guat sachan. Biar hám gehatt no 'z gelükh imen zo khennen, benn biar gánt zo venna Arthur in prachant. Biar gedénkhan an groazar mānn, dar hatt mechte vil getänt. (Jakob Ossner, vorsitzar vo Cimber-Kuratorium Bayern)

Arthur merchat dar bege un iz baispil o darná soin toat. (Christian Ferstl, Johann-Andreas-Schmeller-Gesellschaft)

Arthur hám i hoach geschètz. Biar hám a mānn vorlört, dar hatt pensàrt o ka mòrng. (Sieghard Gamper, ámt vor Zungmindarhaitn vodar Redjeng Trentino-Südtirol)

Biar bartn gedénkh Arthur azpe khempfar, der gest nia müade, un rüavar vo zimbar folk. Er bart üs vil veln. Er lazzt a loch, 'z iz sber zo völln. (Christoph von Ach, segretàrdjo general vo Euregio)

Prof. DDr. Hugo-Daniel Stoffella vulgo Menlo



Istituto Cimbro | Kulturinstitut Lusérn
Tel. 0464-78.96.45 | info@kil.lusern.it
www.istitutocimbro.it



Di Brava Part: an alta hèks vo Folgràit

A Folgaria il personaggio leggendario più conosciuto è senz'altro la "Brava Part"; la leggenda vuole che questa strega dimori in una piccola grotta a sud di Carpenéda nel profondo della valle del Rossbach, sul greto dell'omonimo torrente.

Balma höart ren vodar Brava Part khinta in sint da schümma un groaz manifestazióng bodase halte alle djar atz Folgràit balda auz iz dar summar, un boda zoaget bia 'z hämda gelebet in an stroach di läut da atta ünsar hoachebene. Allz ditza pitt musik, folk un geèzza. Nèt alle bizzan ke di Brava Part, in di legénde vo Folgràit, iz gest a hèks boda hatt gelebet nidar tiaf in tal von Rossbach untar Carpenéda, inn in an khulumman stoll; si hatt nia geböllt seng läut in balt bose hatt gelebet si un vor ditza hattze hèrtà gemacht darschräkhan alle di sèlln boda soin gánt atti sèlln saitn. Zo macha darschräkhan di läut iz gest genümma azze ähaf zo singa; soi stimme iz gest asò schäulek ke 'z hatt parirt 'z gehiuka von bôlf. 'Z izta o zo khöda ke züntrest in tal von Rossbach, boda loft 'z bazzar von pach, izta a schümmana hülbe gehoazt Pozza del Parol un sèmm di djungen püabl soin hèrtà gánt z'sbimma un di mämm, zoa zo haltase bait vo sèmm, hämen hèrtà aukontàrt ke, balda di sunn lugärtze hintar in pèrge, mochtma bahémme vonkian ombrómm di Brava Part beratze khennt zo nemma.

E.v.K.

OLTRE I CONFINI - MINORANZE GERMANOFONE IN ITALIA E NEL MONDO

Taütschan zungmindarhaitn in Beleschlånt un in di bëlt

Da decenni, le lingue e la cultura delle comunità alloglotte germanofone sono oggetto di studi e progetti; dal 6 all'8 ottobre, un seminario internazionale presso l'Università degli Studi di Trento, si propone come momento di confronto e di approfondimento sulle comunità di minoranza germanofone in Italia e nel mondo.

Bar bizzan ke da ünsar zung, un vil ändre mindarhaitzungen, soin, sidar djardar un djardar, khent studjärt vo studéntn, profesör un studjös boda süachan zo vorstiana meararne sachandar: balma nützt di zung, bia ma pintet di börtar, bia dise börtar mövarne in an satz un vil vil ändarst. Zoa azta alle dise studjös mangse vennen zo reda von prodjékhte bosa hám gemacht un vo allz daz sèll bosa hám gelirnt un zoa o zo macha bizzan in läut bazta auz iz khent vodar bosa hám vürgetrakk in di lentar boda khemmen genützt di mindarhaitzungen vo gestarn, fin mòrng, izzes ná zo halta, in di Universität vo Tria, dar trëff "Beyond Borders / Oltre i confini / Jenseits der Grenzen". 'Z iz a trëff augilekk zoa zo reda vodar meararzunghait un von "khulumman taütschan zungen" von Beleschlånt un vodar bëlt, vo bia zo lirna dise zungen, vo bia zo machase khennen, von prodjékhte boda soin khent vürgetrakk fin est ma o vo baz ma magat tüan in di Zukunft vor ünsarne zungen. Gestern hattma geredet von taütschan zungmindarhaitn in Beleschlånt (un fra dise vodar ünsar zimbarung o) un häut un mòrng bartma ren mearar von sèllnen vodar bëlt. Zo bizzasan mearar mochtma gian atti websait: <https://event.unitn.it/beyond-borders2022/>

R.P.

Hundart djar vodar Atesina

Lo scorso 4 marzo l'Atesina ha compiuto 100 anni: un grande traguardo per quella che è nata come primo servizio di trasporto tra i paesi del Trentino e che ha permesso a generazioni di studiare in città.

'Z iz gest atz 4 von martzo von djar 1922 balda ka Tria izta gebortet di "Atesina", a gántz schümmana novità boda hatt permettart àzoheva zo giana Pittar koriara un pinn auto anvêtez bau pinn ross, azpe sa hám getant squäse alle vor in earst Béltkriagie. An earstn hámäga ägeheft pinn bege Tria - Poatzen - Cortina d'Ampezzo, lai spetar hámäga ägelekk a gántza rete in di Provintz vo Tria pitt koriarn boda soin partirt vo alln in lenta. Est iz a groazar kolòsso vo trasporti, boda hatt alle di trem in di statt, alle di koriarn au pa lentar, di aisancpân vodar Trento-Malè un kan aereopòrt Caproni partirante vo Tria o. Da atti hoachebene di koriarn hám ägeheft in di vüchtzegar djar; bar mang nèt vorgézzan in Adolf von Polèz, dar zimbar boda hatt ummargevüart ünsarne häut vor vil djardar. Hundart djar vo koriarn boda hám gevüart hintar un vür männen, baibar un khindar vonan länt attaz ändar, zo maga gian z'arbata, zo studjära odar zo venna di famildje boda soin gánt zo stiana in di statt. Est bobar alle hám in auto un bobar soin gebónt zo giana hèrtà ummar, ånka lai vort zèzza a tschoi, mabaraz nèt vürstèlln bi bichte 'z iz gest hám di koriara zo maga gian vort vo Lusérn, zo maga schikhan apparéppaz in ändarn odar zo maga vorsan notizie von läut boda soin gest vort bait, di koriara pitt autista un "bigliettao" iz gest an servitzio vor daz gántz länt, nèt lai an passàdjo zo macha an viazo.

Giada von Galèn